

Crtice iz djelatnosti Lastovske flotile u 1944. godini

Priredio: Mato Kapović

U borbama protiv okupatora na južnom dijelu Jadrana naročitu ulogu je imala Lastovska flotila. Donosimo nekoliko detalja iz tog vremena. Lastovska flotila je bila podijeljena na štab, naoružane brodove, patrolne čamce i ekonomat.

Štab flotile	5 drugova.
NB—12	20 drugova.
PĆ—48	4 druga.
PĆ—51	5 drugova.
PĆ—62	4 druga.
PĆ—63	10 drugova.
PĆ—64	4 druga.
PĆ—75	6 drugova.
Ekonomat	2 do 3 druga.
Bolnica	1 drug.
Kurir	1 drug.

(izvještaj od 11 septembra 1944. broj 132).

ODUZIMANJE ČAMCA IZ NEPRIJATELJSKE BAZE

Polovinom septembra 1944. godine Nijemci su se zainteresirali u nedostatku plovnih jedinica za jedan čamac koji se nalazio usidren na Lopudu.

Naša obavještajna služba obavjestila je o namjerama neprijatelja V. POS koji je odlučio da se neprijateljski plan onemogući. Načelnik štaba V. POS dao je usmeno naredbu Lastovskoj flotili da 18. IX izvrše oduzimanje čamca. Prema planu PĆ—62 će se približiti obali na Lopudu, gdje će ga čekati aktivisti NOP sa motornim čamcem kojega će onda tegliti do sv. Andrije. Najjači brod Lastovske flotide NB—12 čekati će kod sv. Andrije zaklonjen od artillerije i reflektora. Aktivisti sa Lopuda će se tom prilikom sastati sa dvojicom članova OKKPH za Dubrovnik koji će doći sa Korčule. Tokom noći će NB—12 doteчьti motorni čamac na Mljet a zatim na Korčulu. Akcija je bila otežana činjenicom što su se na Lopudu, Šipanu i poluotoku Lapadu nalazile neprijateljske snage sa artiljerijom i reflektorima.

U koločepskom kanalu često patroliraju njemački borbeni čamci. Naoružanje naših brodova je bilo 1 p. k. top i nekoliko mitraljeza. Jasno da bi u slučaju borbe premoć bila na neprijateljskoj strani. Pošto se NB—12 nalazio na Korčuli on je 18. IX u 18 sati isplovio sa operativnim oficirima Lastovske flotide i članovima OKKPH

za Dubrovnik. Brod je u 20 i 30 uplovio u Polače gdje je saznao da će ga PĆ—62 čekati u Sablunari. Pošto ni u Sablunari nije zatekao PĆ—62 on se vratio u Polače vršivši usput kontrolu ribarenja. Ovdje je saznao da će PĆ—62 slijedeću noć biti spremanj za vožnju. Komandant NB—12 se sada našao u nedoumici jer je u Polaćama zatekao i PĆ—63, te nije znao mogeli slijedeću noć poći na zadatak ili ga na Korčuli očekuje važnija akcija. U slučaju potrebe ovaj bi zadatak mogao izvršiti i PĆ—63. Dobivši odobrenje sa Korčule on je uzeo u tegalj PĆ—62 i krenuo na zadatak. Pošto je na NB—12 došlo do havarije, operativni oficir i drugovi iz OKKPH prebacili su se na PĆ—62 koji je produžio prema Lopudu. Navečer oko 23 sata stigao je PĆ—62 do Lopuda, gdje ga je čekala veza i predala mu čamac. Izbjegavajući minski pojedinični pojedinci je dosegao do Mljeta a kasnije ga je NB—12 dotećio do Korčule.

Z A P O V I J E S T

štaba V. Pomorskog Obalskog Sektora za dan 10 septembra 1944. g. — Sekcija br. 125 englesko izdanje

Podaci o neprijatelju: Predveče, i u zoru, neprijatelj vrši patroliranje sa brzim motornim čamcima na liniji Orebić-Veliki Vratnik, vozeći sasvim uz obalu Pelješca. Vožnje su nerедovite. Na istočnom dijelu Pelješca, neprijatelj drži garnizon u Stonu i okolini te art. položaje kod Prapratno, a rijetko prebacuje manje kolone iz Stona preko Putnikovića za Janjinu. Obično voze 1—2 čamca.

ZADATAK: Jedinica I. bataljona Mornaričke pješadije sa kopna i jedan od PĆ Lastovske flotide, sačekat će i napasti neprijateljske čamce u cilju uništenja ili zarobljavanja.

NAČIN IZVRŠENJA ZADATKA:

U tu svrhu naređujemo:

1) Štab I. bat. M. P. odredit će jedan vod (oko 15 boraca) sa naoružanjem 4 puškomitrailjeza i 1 laki bacac, koji će se 11. o. m. prebaciti za Pomer i zatim na Pelješac (južno od Dobre Luke), gdje će napraviti zasjedu u jednoj od najpogodnijih uvala (prema uputstvima Komandanta Mornaričke stanice Mljet). Na tom mjestu, pripremiti maskirane zaklone na pogodnom terenu obale. Sačekati predveće dolazak neprijateljskih čamaca i iz što kraćeg otstojanja (kad voze prema obali) napasti ih iz svih oružja, a u pogodnom momentu, ako dadu znakove rukovodstvo broda, kormilara i posluge oružja, posadu sa palube) i ne dozvoljavajući izlazak ostalih na palubu. Uko-

liko budu dva čamca, napad izvesti jednovremeno na oba i ranije izvršiti raspodjelu otvaranja vatrenih ciljeva. U pogodnom momentu dati znak PČ-63 da stupi u dejstvo sa morske strane. Na položaju ostati do 15. 9. naveče, a zatim se vratiti preko Pome na Lastovo.

2) Štab Lastovske flotile, odredit će PČ-63, koji će prevesti jedinicu bataljona, a zatim zauzeti zasjedu u obližnjoj šipilji uz obalu. Na dati znak, sa strane voda, I. bataljona isploviti će iz šipilje i nastojati da sprječi neprijateljske čamce da umaknu otvaranjem vatre iz brodskih oružja, a u pogodnom momentu, ukoliko dadu znakovne predaje, da se primakne i dade naredenje, da pristanu na već ranije određeno mjesto odakle će biti razoružana po-sada. Za to vrijeme, ima da se postavi tako da ni u kojem slučaju ne sprječava vatru voda sa obale i da prvenstveno tuče onaj čamac, koji bude u najpogodnijem položaju, vodeći pri tome računa, da ih se ne pusti umaknuti. Na položaju ostaje do 15. 9. Ukoliko bude sprječen lošim vremenom, da napusti položaj, ukrcat će i vod I. bataljona i akcija se prekida, odnosno nastavlja ukoliko ne-vrijeme bude kraće trajalo.

3) Mornarička stanica Mljet po dolasku jedinice, dat će detaljne podatke o mjestu i ostalim promjenama i bit će u svakom pogledu pri ruci u slučaju traženja pomoći.

Akciju će voditi komandant I. bataljona M. P. za-stavnik drug Caleta. Nakon izvršenja akcije, povući se u toku noći. U slučaju da neprijateljski čamci budu zarobljeni i sposobni za vožnju, doteчьti ih direktno u Lastovo, a u slučaju nesposobnosti, potopiti ih na plitko, izvadivši sve vrijedno.

ISHRANA: Jedinica će uzeti sa sobom najmanje za 6 dana suhu hranu. Na položaju nikako ne ložiti vatru.

SANITET: Svi borci trebaju biti snabdjeveni prvim zavojem, a štab bataljona, pobrinut će se da sanitet pri-bavi sve potrebno za pružanje prve pomoći. Ranjenike u slučaju hitnosti, a ako jedinica dalje ostaje na položaju, upućivati u Pomu.

VEZA: Odmah po dolasku jedinice, uspostaviti osma-tračnicu i odrediti brzu i nečujnu vezu s njom. Odrediti znak za obavještavanje PČ-63, radi ulaska u napad, i dalnjem održavanju veze s njim u toku borbe.

U dogovoru sa Mornaričkom stanicom Mljet, urediti izvještavanje i upućivanje ovom štabu svakodnevног izvje-štaja o događajima u toku dana.

NAPOMENA: Položaj i prisustvo jedinice, mora ostati u strogoj tajnosti sve do momenta napada. Odmah po napadu u toku noći, napustiti položaj. Artiljerijski referent izdat će potrebit broj ručnih bombi, koje upotrebiti u slu-čaju dolaska neprijatelja u neposrednu blizinu jedinice.

Smrt fašizmu — Sloboda narodu!

Polit. komesar Nač. Štaba, poručnik Komandant, major

Ostojić

M. Orhanović

M. Ikica

* * *

S A S L U Š A N J E

Franulović Franka, komandanta MČ 1.

MČ 1, nalazio se je stalno u Sablunaru, i održavao je stalno veze s Jakljanom, a često je išao i na druge veze i mesta. Na Jakljanu ga je obično dočekivala veza. Zadnja veza, koja je bila ispravno dočekana, bila je održana 2. VIII kada je na vezi ukrcano 6 drugova. Dana 4. VIII nismo našli nikoga na vezi, i vratili smo se u Sablunaru. Ponovno sam išao na vezu dana 10. VIII, ali sam se morao vratiti radi velikog mora. Između 4. i 10. nije bilo veze radi toga, ja sam se uputio u Pome, da izvestim načelnika V. POS, koji se baš tamo nalazio da je veza neispravna. Pošto veza već dosta dugo nije funkcionirala, to sam 11. ponovno isplovio, da izvidim stvar. Poveo sam sobom dva druga: Marka Šabana, i Frana Sezjaka, i dao im za zadatku, da izvide zašto veza ne radi. Njih nisam iskrcao na vezi već ispod kote 220 E od rta Pod Biskupom, a ja sam se sa MČ 1 vratio na Mljet. Naredio sam im da izviđe, što ima novoga, a ako ne mogu vidjeti ništa, da jedan

od njih dvojice ostane na mjestu veze, i da pazi, tko će doći na vezu, a drugi da me slijedeće noći čeka na mjestu gdje sam ih iskrcao, te da me obavijesti, da li je veza čista ili ne. Dne, 12. VIII u 21 sat, isplovio sam iz Sablunare sa nekoliko putnika i pošto je bilo more nemirno, stigli smo na Jakljan, tek oko 23 sata. Pristao sam kod rta Pod Bi-skupom, gdje sam našao drugove Šabana i Sesjaka. Pitao sam Šabana, šta ima novog, i on mi je odgovorio da nema ništa, a Sesjak je kazao da ima jedan njemački motorni čamac, i da su vidjeli njemce, kako se kupaju sa unutrašnje strane Jakljana. Ne sjećam se više da li je rekao 5 ili 6. Za-tim sam rekao Šabanu, da kako da nema ništa, kada su tamo Nijemci i motorni čamac, a on mi je rekao da su tamo uistinu švabe, ali da nije to ništa jer da su oni sa unutrašnje strane otoka. Osim toga, rekao mi je, da je video na našoj vezi pred večer kod zalaska sunca jednog civila. Na moje pitanje, zašto nije izvidio, tko je bio taj civil. Šaban mi je rekao, da je bio već skoro mrak, a da je bilo daleko i da ēemo na vezi vidjeti tko je to bio, i da idemo malo dalje od kraja. Drug Matković je isto tako oudio Šabana, da zašto nije izvidio tko je bio taj civil. Uputili smo se prema vezi, i na udaljenosti od kojih 50 metara, opazio sam na obali čovjeka. Zapitao sam, tko je na vezi, i dobio sam odgovor, drug Melko. Stvarno, prepoznao sam njegov glas. Mi smo polagano prilazili, i on nas je čekao. Kad smo se počeli iskravati, on je pobjegao prema šumi. Rekao sam mu neka pričeka, jer da imamo iskrati nešto robe. Tek što sam završio, počele su padati na čamac i oko njega bombe, i otvorena je na nas vatra iz šaraca. Čamac je počeo da tone, i mi smo poskakali u more, i ja sam plivao oko 200 metara istočno od mjesta napada. Sa mnom je bio Sesjak. Izašli smo iz mora, i čekali druge, ali nikoga nije bilo. Nas dvojica, produžili smo uz obalu prema Šipanu, da bi tu našli drugove sa veze, i čamac, da se prebacimo na Mljet. Predanili smo na rtu Sokolić. Opazili smo vrlo živ saobraćaj. Nijemci su stalno dolazili na Jakljan u vinograd, koji se nalazio blizu nas. Uvečer, kad smo htjeli nas dvojica preplivati na Šipan, otvorena je na nas sa jednog položaja paljba, a ipak smo preplivali na SW rt Šipana, a odavde odmah preko luke na NW rt Šipana. Dne 14. VIII oko 10 sati, sreli smo ispod Velog Vrha dva civila. U toku razgovora, zapitao sam jednog, da li poznaje kakvog čovjeka na otoku, koji surađuje sa partizanima, našto mi je on potvrdio i ja sam ga zamolio, da neka dotičnog pošalje na mjesto, gdje smo se momentalno nalazili. On je na to pristao. Nakon 3—4 sata uzaludnog čekanja, postalo mi je sumnјivo, i povukli smo se još dalje od naselja. Kad sam se okrenuo, video sam oko 30 njemačkih vojnika, kako idu u strijeljačkom stroju prema nama. Nas smo dvojica pobegli u uvalu Kamensku, i tu se sakrili. Na večer, opet smo se vratili, da nađemo u blizini sela bar koji čamac, da bi se mogli prebaciti na Mljet. Kod Koludrice, gdje je ranije bila naša veza, prilikom prebacivanja sa kopna na Jakljan našli smo opet na Nijemce, i morali smo se vratiti natrag. Odlučili smo se prebaciti na kopno. Obašli smo NW rt Šipana, i dne 15. VIII predanili u šumi na NE obali otoka. U našoj neposrednoj blizini, lovili su ribe bombama njemački financi. Na večer, preplivali smo Slanski kanal, i uspeli se na kopno. Ujutro, došli su za nama sa motornim čamcem Nijemci, koji su ispitivali seljake, gdje su partizani, ali su ubrzano krenuli naprijed prema Banićima. U jednom starom magazinu, našli smo neku staru sandolu, sa kojom smo se prebacili u noći od 16./17. VIII kroz Veliki Vratnik na Mljet, odakle smo došli sa NB 12 u Sveti Petar.